


↑ 3249/3431.81

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
OCT 20 1941

9



澂江府志卷之十二

祠祀 壇廟
塚墓附

祀典之制匪祈則報凡以為民也我

朝御宇德洽神人

制詔天下郡縣崇祀先師孔子而凡正祀之世及者如之澂
江自文廟而外山川有祀社稷有祀城隍有祀國厲有祀
推而至於名宦鄉賢有勞定國以死勤事為民捍患禦災
壇壝所在春秋裸獻無或怨恫以作神羞其有非類之祀
者則釐正之至前賢塚墓碑碣可考神理昭如表而志之

哈佛大學漢和
圖書館珍藏印

庶不至與北邙蒿里同湮沒也志祠祀

澄江府 河陽縣附郭

壇

社稷壇 在城西歲春秋二仲月上戊日府率屬致祭

風雲雷雨山川壇 在城北歲春秋二仲月上巳日府率屬致祭

厲祭壇 在城北春秋丁祭次日府率屬設祭

城隍廟 在城東四月朔日神誕祭康熙五十一年三月內通判尹湯聘捐脩一在舊城迎春日起春於此

文昌宮 一在城東二月初三日聖誕祭一在鳳翔寺後殿之右郡人巡撫李發甲讀書於此

武安王廟 在城東南

西浦龍泉廟 在蟠龍岡麓季春初辰日太守率屬致祭士民偕祭康熙戊戌知府柳正芳題額曰德沛

西浦

東浦龍神祠 在關摩山麓季春月邑人祀無虛日康熙戊戌知府柳正芳題額曰利澤無疆

關帝廟 在城南內城外邨落俱建祀

土主廟 在城西北隅城外鄉邨各建祀

五靈廟 在城北一里九月二十八日神誕官民偕祭祈禱常有靈應

龍青廟 在城西北八里寶花寺前竹木陰翳有泉湧出可以灌溉高阜田畝六月望日往祭謝龍

東嶽廟 在東街陽晡山下萬曆二十八年郡人張彬建

關索廟 在城西北二十里東關上

龍王廟 在城西十五里撫仙湖岍

五穀廟 在城西十二里六月朔六日神誕

白井娘娘廟 在城北里許泉出色白二月初二日祭

九子娘娘廟 在城東北一里舞鳳山右翼二月初二日神誕祭祈嗣多靈驗云一名翠竹庵

八蜡神祠 在城東半里

附陽宗舊縣

城隍廟 在城東門

關聖廟 在城南門

土主廟 在城西門外

新興州

社稷壇 在州西半里中古城

風雲雷雨山川壇 在州南一里武侯祠北

郡厲壇 在北郊

城隍廟 在治西成化十一年知州馬琛脩弘治十六年知州鄧駿增脩一在普舍城

關帝廟 在州西關一在普舍城一在研和城

文昌宮 在文廟右康熙五十一年知州任中宜建一在普舍城一在研和東山一在州北二十里北山

魁星閣 在文廟左康熙五十一年知州任中宜建

武侯廟 在州南一里山川壇南知州楊杰建歲六月二十五日祭

東嶽廟 在治東弘治十六年知州鄧駿重脩

土主廟 在州北十里土主屯西北及東方水利歲自元日至二月望日城鄉以次迎賽西南不及水利者

不祭官司於二月初八日迎祭於十五日安神○舊傳明黔國公征麓川神顯靈贊功重構華宇題贊陀囉哆

大德尊者木主至今存云一在研和

龍王廟 一在州十五里黑龍潭二月十八日祭一在州西北十七里九龍池二月十九日祭一在州東北二

十五里白龍潭三月初一日祭

關索廟 一在州東南三里一在州北二十七里事載通志

五靈廟 在治東東嶽廟內

馬王廟 在治東北

路南州

社稷壇 在州城西

風雲雷雨山川壇 在州城西

郡厲壇 在州城北

文昌宮 在文廟右

魁星閣 在文廟左

關帝廟 在州城南

城隍廟 在州治內北門

忠節祠 在州城南

鄒公祠 在州城西

虛寧祠 在州治東數里黑龍潭

白龍祠 在州治東北

土主廟 在州北民和鄉

江川縣

社稷壇 在縣東南旭彩門外

風雲雷雨山川壇 在縣北慶雲門外

厲祭壇 在縣北慶雲門外

城隍廟 在縣北康熙二十九年知縣高拱星捐建

土地祠 在縣署內

文昌閣 在舊城學宮右

魁星閣 在舊城學宮前康熙五十五年知縣張鐘重脩

龍驤將軍關侯廟 在關嶺成化八年有虎為患太監錢能鑄神作獲虎狀因新其廟嘉靖三十二年兵憲蔣宗魯改建

土主廟 在古城西康熙六年建舊傳明洪武初平西侯沐英征交趾至此迷路見有緋衣白馬者馳驟而過

英麾騎從之乃得路及戰陣上忽現五色雲雲中聞鼓角戈騎聲遂捷迨凱旋問海門居民僉曰飛入蟠坤仙洞去矣因入洞得一石人首肖像祀之後有漁者舉網得物覆以蘋藻置水中再四不溺去蘋藻視之冠像巍峩非金非石漁者異之鳴於有司以聞遂加帝號立廟云

蟠坤古廟 在蟠坤洞初廟久廢一日廢址上有馬蹄迹大如碗次日愈多土人復為建廟蓋土主即其神也

螺浮廟 在螺浮山傍星雲湖邊山頂平圓如月有七小山環之昔人取為七星拱月之象上有高阜若雙龍

互相環抱故名雙龍每臨風登眺湖光萬頃巘翠千重士人多讀書會文於此

老君廟 在左衛舊址

東嶽廟 在縣治北

關帝廟 在古城縣治舊址一在本城南門內一在左衛

太子廟 在縣西十里

塚墓

河陽縣

蜀漢

漢興亭侯李恢墓 在城西五里山石碑尙存

元

元右丞相埜喇墓 在關摩山半均有墓碑

臨安路總管段文瑞墓 原在迴龍山後遷重珠山

明

監察御史董雲漢墓 在城北五靈廟左

監察御史王昭墓 在南山洪武閒流寓

本朝

吏部左侍郎趙士麟墓

在城北五里塔浮山麓康熙三十八年奉

旨遣官

諭祭文載藝文

巡撫偏沅右副都御史李發甲墓

在陽宗下鄉新莊山麓康熙五十七年奉

旨遣官

諭祭文載藝文

新興州

明

梁詵墓

在州東南學山廣東人嘉靖中知澠江府黔蠻作亂阻迹新興卒葬於此子孫家焉

蔡寅墓

在州西北十二里官邨閩人

張尹志墓

在州南梁王壩後螃嶼山詳歷官

孝子王珪墓

在州西十三里黑邨山

劉君顧墓

在州東六里栗園知新興州有惠聲卒於楚雄州人思之移柩葬此

連理墓

一張烈女墓在州東北二十里白塔山末豐寺下二樹連理詳列女傳一盧鑣妻墓在州南一里三

樹連理樵者析之復長如故

路南州

元

武德將軍閑里伯墓

在紫玉山

明

贈光祿寺卿楊以成墓 在竹子山下

江川縣

宋

丁連然君墓

在雙龍三十里北山上覆巨石有耕者坐於上石忽動耕者驚異起視之上勒丁連然君

神道遂豎於前衛龍岡寺前按宋史太宗時有交趾王

丁連然來朝疑即其人按東漢時昆明有連然縣故

元

千戶李先基墓

在縣北

明

楊福卿墓

元末福卿為梁王羅把本郡事以能稱子白與

子相失福卿走死沉江興旺為求昌侯掠入京明太祖

奇之拔為近侍歷官都監左監丞求樂元年賜姓白奉

江西左叅政侯必登墓

在玉屏山前

欽賜進士都勻府知府楊整綱墓

在相見山右

烈女葵姑墓

在雙龍鄉前衛後

澂江府志卷之十三

名宦

流寓附

職官皆宦也於職官中表曰名宦祀之宮牆百世不祧焉以報功也澂江宦此者多矣而名宦僅得若干人云某開疆域爲民勦業者也某建城池爲民奠居者也某清賦役爲民阜厥財者也某興教化爲民育厥德者也某禦災患爲民保厥身者也世代雖遠而縉紳長老猶能言之令人歌誦不忘焉至若賢人君子偶然託足而流風遺韻景仰無窮讀是編者可以興矣志名宦

名宦總部

元

張

瑾字君錫號西侯河南人至正閒為雲南廉訪副使
餘剽決冗案三百
餘皆以青天頌之

王續之

字大卿四川南充人嘉靖己未進士萬曆三年任
立教憐洞人采山窘苦
除累年逋課民困用蘇

李文續

字德延號紹庭四川宜賓人嘉靖己未進士萬曆
見嚴律禮儀色莊詞厲人敬憚之所居
四壁蕭然別無長物仕至本省布政使

李先著

字君實錦衣衛籍山東蓬萊人萬曆丁丑進士任
臨沅分守叅政時順寧土舍猛廷瑞糾伊妻父奉

學殘其昆弟巡撫陳用賓謂先著曾任瀾滄兵備道為
彝人推服遣往勘治潛使叅將吳顯忠提兵躡其後先
著至廷瑞喜送欵納子為質有詔使廷瑞獻奉學贖罪
先著察無反情主撫以報卻廷瑞黃白金發雲南縣庫
無如顯忠將士襲執廷瑞殺之用賓惑顯忠言奏先著
納賄縱奸詔繫獄士民冤之未幾用賓亦被逮同日死

獄中輿論稱快

冀光祚

直隸邯鄲人進士萬曆四十二年任右叅政風裁
凜然門無私謁偕知州柳芳陽建立學宮獎勵多
士文風丕振

程楷

江南合肥人天啓乙丑進士崇禎三年任右
叅政愛民禦寇增城垣脩學校去後人思之
泰和人進士嘉靖閒任按察副使清介廉明抑強
扶弱經濟文章表當世民感其德立祠以祀

姜思睿

浙江慈谿人進士崇禎年間任雲南巡按行部至
徵釐奸剔弊翦毒安良開海口河築堅隄數十丈

疏濬湖田千畝鼓舞文士凡贖餽及應解大獄銀粟置田畝作諸生卷金科舉盤費後流寇猖亂田畝盡為豪強侵隱康熙三十四年庠生張令聞等查出民田二分具呈府縣準作兩庠歲科卷金

本朝

趙廷臣

奉天人順治十八年任雲貴總督奉文崇祀名宦治績詳省志

甘文焜

奉天人康熙十年閒任雲貴總督吳逆叛孤忠死節贈兵部尚書諡忠果滇黔人建祠祀之奉文崇

祀名宦功績詳省志

趙良棟

陝西寧夏人康熙二十年任勇略將軍雲貴總督奉文崇祀名宦治績詳省志

范承勳

奉天瀋陽人康熙二十五年任雲貴總督奉文崇祀名宦治績詳省志

郭 璪

滿洲人康熙四十五年巡撫雲南四十九年陞任雲貴總督奉文崇祀名宦治績詳省志

李興元

遼東人康熙十年任雲南按察使奉文崇祀名宦功績詳省志

陳必成

字德子原籍浙江會稽人中順天鄉試乙未進士康熙九年任雲南督學奉文崇祀名宦功績詳省志

志

謝于道

字存莪浙江鄞縣人癸丑進士康熙二十五年任雲南督學奉文崇祀名宦功績詳省志

名宦分部

澧江府

元

魁

納 蒙古人任澧江路總管首建學宮教人禮義

明

胡思 西安右衛指揮洪武十四年平定雲南西平侯奏

王彥 字士俊安福人進士由刑部郎中言事左遷雲南

關募民守之 迄今未賴

饒欽 字汝恭江南祁門縣人進士成化間任知府清介

以入覲 請歸

晁必登 字汝吉宜賓人進士弘治間任通判時澂守貪暴

驛籍者難於奔應多破產逃亾乃建白徵銀解驛迄今

賴焉政暇與諸生講易尤長於詩攝篆廣西曲靖尋遷

武定同知皆有遺愛人像祀之後陞本省僉

憲按部至澂衢市羅拜歷任本省右叅政

唐臣 字堯佐營山人進士正德間任知府誠懇清謹自

奉薄而厚恤民政暇手不釋卷延諸生討論築西

街城設東溪舖癸酉陞兩淮運

使檄至已卒巡撫范鏞檄崇祀

劉傑 臨汾舉人正德間任知府明敏果斷

童璽 字國信連城舉人正德間任知府始至以郡治弗

利改遷於陽浦山移學於郡治舊基仍以舊學為

仰山書院郡東北有溪每值霖潦為害璽築隄東

谷障之北流築郡城樹譙樓移屯倉政績最多

計朝聘 字莘夫成都舉人嘉靖間任知府值歲

王良臣 字天民寧羌舉人嘉靖間任知府才識練達吏事

明敏別郡疑獄多受成焉在任禮賢崇學設樂舞

拓文 廟

徐可久 字有功廣西馬平人舉人隆慶間任知府遷郡治

築甌城闢銅路開河道義倉社學久廢俱興陞本

省屯田 副使

林焜章 莆田人舉人萬曆開任知府清慎愷悌置義學六
有勾攝即付告人不遣隸
卒以外艱離任士民思之

郎文煥 浙江孝豐人萬曆開以民部郎陞知府養士愛民
剔弊釐奸河陽有額外夫馬之科重為民困調議
革除勒石縣
儀門外今存

李以袞 浙江縉雲人以蔭官崇禎開任知府赴澂之日其
祖訓之曰宜崇文行重學校謹倉庫脩城池教養
士民至澂之日紳士謁見即以祖訓告之乃延士立課
親閱文藝拔識英才新學宮脩城濬池增置炮樓二十
四座防
禁多資

顧慶恩 吳江人天啓四年任通判才識敏練博學能詩以
州事政尚寬大崇文教改遷
甄城州人戴之亦入崇祀

周應 貴州興隆人崇禎年間任通判有膽略謙恭下士
適知府李以袞致歸公署府印時寧州土官祿昌
文部目李蒿鵠王尊縱士卒掠東市應命僚屬守城單
騎詣其所諭以利害詞氣嚴正賊眾畏服解去澂人勒
石學前
以頌之

張聯箕 字即公號松濤山東益都人乙未進士康熙二十
一年任知府仁恕立心清廉率屬當兵燹之餘分
公署以棲流離輓糗糧以充軍實且課士得人屢榜
科名盡是公門桃李善政善教激人口篆不置云

黃元治 字自先號涵齋江南徽州府黟縣副榜康熙四十
一年任知府道德文章海內推重下車興學育才
革弊除奸僚屬凜然公餘進諸生
論道講學揮洒翰墨士風丕變以

文廟傾圮慨然遷移合建於城之東南隅面離背坎位正體
尊工程浩大成以為艱鉅難成公一力擔荷拮据告成

本朝

功甫畢即請致歸黃
山道遙歲餘而卒

河陽縣附陽宗

明

文嘉謨

茂州人監生嘉靖間任陽宗知縣清慎勤敏惟以國計民生為重公務畢即單騎遊覽山川凡風脈

河道加意脩補築炒甸之堰塘濬大衝之隄壩利澤田疇今日猶有父母神君之頌

張雲翼

貴州安莊人嘉靖間任陽宗知縣賦性耿介居官清廉惠愛百姓猶如己子至今人每稱頌不朽焉

張維

山西蒲州人天啓間以臨安府推官到任踰隄改授河陽尹居官清正革除火耗絕請託與知府郎

文煥廉正相得郎公條議善政一一行之民受其福後人相傳為城隍焉

本朝

沈晉初

江南蘇州府長洲人舉人康熙三十年任知縣勞心以恤民瘼潔己以對天日諸如講學課文勸農

積粟革積里而私斂不侵清糧甲而裕民兩便緩催科勤撫字允稱河邑福星

新興州

明

張睿

四川榮昌舉人宣德五年任元設州治官舍草屋睿多方經理規模略具政令有所自出期治之功

惟睿有焉正統三年陞授同知去

郭鎮

順天宛平縣人正統十三年任時大溪水溢沒民田廬州人惶怖鎮設醴祭河為民請命木不為災

後知雲南府勤於職業倉廩學校槩為脩葺卒於官州人祀之省郡亦祀於廣備倉

魏鑑

湖廣江夏人天順元年任歲凶民饑開倉賑濟全活甚眾歷任九年廉潔愛民始終一節尤人所難

鄧駿

四川永州人弘治十年任剛決敢為征竹箐坡蠻有功詔賜文綺二端以示褒美脩橋梁治城池設常平倉積穀備賑善政聿著卒於官

何子奇

四川榮昌人正德元年任重建土城除街道增衙舍脩郡志善政民懷後陞漢中府同知

張于京

廣東莞舉人萬曆五年任時分守道移駐新興初作甌城于京董事經營匠作擴大舊制增脩衙舍善政愛民勤勞懋著

楊顯

號柏屏四川宜賓人萬曆二十七年任敷政寧人興利革弊遷建學宮文風丕變

柳芳陽

四川宜賓舉人萬曆四十五年任愛民課士剿撫彝賊遷文廟於城東北士民德之立祠以祀

郭君聘

江西贛州舉人崇禎七年任端方正直惠政宜人解組歸田州人立碑思之

路南州

明

魯厚

四川內江縣人舉人成化間知路南州勸社學以教間巷子弟增重樓於州城之外禦暴賴之

鄒國璽

字南華四川新津縣舉人隆慶間任路南州築壩開河士民末食其利詳鄒公堰

江川縣

明

張俊

彭水人進士景泰年間任多惠政造海門橋至今賴之

皮日偉

湖廣長沙人舉人正德年間任請免徭役民感其德

楊佑

山西岢嵐人監生嘉靖初年任加惠窮民多所調濟

杜鳴陽

湖廣黃岡人舉人隆慶初年任設庠序築堰塘士民均受其益至今廟祀不絕

馬有慶 四川宜賓人貢生萬曆十五年任捐金脩學制度始備

王惠卿 貴州黎平人崇禎年間任見縣治地勢汗下軍民田廬屢遭淹沒又時患寇盜甚且失印累官癸酉

歲請於按院姜思睿遷治於邑之高處民頌其功

黃以陞 以本府照磨署篆到任未旬日徇諸生陳煥等請就北城之小學建新學翼以兩廡蔽以門牆雖制

度經營不遺餘力初王惠卿遷城新邑而學宮仍舊故有是舉惠卿遷邑以陞建學二人之功實相等云

周柔強 崇禎末年任值丁亥流寇蹂躪柔強殉節於孤山邑人同時死者六七千人最為慘烈

本朝

王文衡 江寧人順治十七年任約暴卒通商賈而路有行人薄稅斂闢荒蕪而野無赤壤革不經之陋規以

惜民財罷濫應之夫役以愛民力捐金恤葬出粟賑貧建學以培立風造閣以興文運課士於東山寺雲巖寺

會社於中台山萬松山時瘡痍甫起而民解樂生知嚮學文衡之力也民為之建祠鐫碑焉

流寓

澂江府 河陽縣附郭

元

埜 喇 蒙古人官右丞相謫瀆寓河陽愛澂玉山華藏寺山水幽秀棲息其中以詩書自娛足跡不及城市

者數年卒葬寺山之半岑今有題詠

明

張 澂 河汾人元進士迪功郎洪武中因事南遷寓河陽以文學名

王 昭 字仲彰江西贛縣人以陝西監察御史洪武年間謫戍河陽教授鄉學

李彥和

號茗溪浙江長興人洪武年間謫居河陽能詩文邑人士多受學焉

李恂

號私軒彥和子也從父至河陽隱居自逸教子弟工詞翰亦為郡邑所重

本朝

崔之瑛

字脩庵北直霸州人壬辰進士康熙二年任雲南布政使吳逆之變託疾不出寓居河陽詩酒自娛

康熙二十一年還里

劉蒔

字文季四川富順人以翰林寓居河陽工詩文風流豪放鄉士夫多從之遊所著有愛蓮軒集萍溘信筆

吳曷

字昭侯四川閬中縣人崇禎壬午拔貢流寇掠蜀避難河陽恬靜簡潔教子成名年八十二卒

新興州

明

俞希明

雲南中衛人武進士歷官未騰參將精堪輿居新興晉舍城年八十卒

張尹志

詳秩官

吳正心

江南宜興人舉人宰富民有聲丁亥流寇亂滇阻兵南中悅新興山水秀麗隱迹蕭寺卒葬

吳鼎

江南鎮江人拔貢逃禪新興髡首緇衲不忌葷酒自號大拙善書工詩邃文學州士多師事之醉後

仰天悲歌嘯傲風月康熙十年歸里

本朝

張方起

字耕烟浙江桐鄉人順治辛丑進士知江川縣吳三桂反脅以官不受知州李國維重之為聚徒起

春堂講學論文哦詩醉月悠然自得著有千松岩墨集

路南州

本朝

曹應昌

號石霞湖廣麻城人崇禎己卯解元癸未進士博學多文父巽之明末為雲州佐卒於順寧昌於康

熙癸卯來滇迎櫬因與路南知州張臯謨友善遂寓路南名山勝地多所題詠後之池西遊順寧卒於大理理

刑楊兆傑挈其機以歸

陳文偉

江西舉人流寓路南有學識尤精於易州士得其傳者甚多

江川縣

明

王元翰

字聚洲寧州人以進士授翰林院庶吉士改諫垣直聲震天下忤魏黨歸善詩古文辭築室孤山為

息機之所

澂江府志卷之十四

人物

鄉賢 忠烈 孝義 貞節 鄉飲 文行附

山川清淑之氣鍾為人物人物生而山川益重矣澂江在

後漢已有李興亭侯伯姪其人出焉乃自唐迄宋而寂寂

無聞抑又何也蒙段竊據雖有高人奇士而無人焉傳其

名姓以聲稱後世故也然就紀述所及論之鄉賢序列禮

祀春秋固與宮牆不朽其間忠臣孝子強仁行義可不謂

名教中之卓卓乎若夫閨中淑媛一失所天而誓死靡他

尤可風及百世至若耆德鄉賓與高尚潔清之士可以挽

潯江府志 卷之十四
頽風式末俗君子咸有取焉夫世運雖更典型常在百世
下其無聞風而興起者乎志人物

鄉賢

河陽縣 附陽宗

漢

李

恢

字德昂建寧俞元人任郡督郵太守董和貢恢於
川未至與先主遇於綿竹先主嘉之遣恢交好馬

超成都既定先主領益州牧以恢為功曹書佐主簿遷
別駕從事章武元年庾降都督鄧方卒先主問恢誰可
代者恢對曰人之才能各有長短孔子曰其使人也器
之且夫明主在上則臣下盡情是以先零之役趙充國
曰莫若老臣臣竊不自揆惟陛下察之先主笑曰孤之
本意已在卿矣遂以恢為庾降都督守持節領交州刺

史先主薨雍闓等欲承相亮南征先由越嶲恢按道向
建寧諸寇圍恢於昆明時恢軍少又未得亮聲息給南
人曰官軍糧盡欲還吾久斥鄉里乃今得旋不能復北
欲還與汝等同計謀故以誠告南人信之稍解嚴恢伺
懈出擊大破之追至盤江接牂牁與亮聲勢相連南土
平定恢軍功居多封漢興亭侯加安漢將軍後軍還南
彝復叛殺害守將恢往招討鋤盡惡類徙其惡帥於成
都出耕牛戰馬金銀犀革充繼軍資建興七年領建寧
太守還居本郡徙居漢中九年卒子遺嗣恢弟子
球羽林右都督隨諸葛瞻拒鄧艾兵敗死於綿竹

元

段文瑞

河陽人幼折節讀書父早逝奉母盡孝母歿哀毀
踰禮以手履地行一里外負土營墳百五十日始

成事聞旌表曰孝義之門授
本路學正歷官臨安路總管

明

敦正守志

卷之十四 鄉賢

李蕃 字廷茂河陽人正統戊辰進士為司徒郎出視臨
乞歸不事生植環堵蕭然婚喪諸禮多從儉約鄉人化之

趙禧 字景福河陽人與李蕃為友正統丁卯同舉於鄉
知貴州未從縣有廉惠聲丁艱歸服闋再詣京師
歎曰祿為養也而親不逮仕復何為遂白
銓曹拂衣歸清脩苦節三十年絕迹公府

席大賓 字子瞻河陽人嘉靖壬辰進士授行人選戶垣歷
陞都給事遇事敢言每疏畱中不下遂以終養歸
再起
不出

董雲漢 字倬庵河陽人正德甲戌進士性狷介讀書尚氣
有攬轡埋輪之風歸休著述頗
富今無存考古者不能無憾焉

鄧漢鼎 字燮公河陽人崇禎年間歲貢生平孝友忠信讀
書淵博為文章根極理要所授徒悉激中名彥至
避艷色返遺金九世所難者至今激人
士多取法焉康熙三十一年奉文崇祀

蘇興 字起文陽宗人有敏才為文未嘗屬草中未樂辛
卯鄉試知四川溫江知縣治獄明慎政事果決卒
官於

張寧 字世安陽宗人天順間應貢授湖廣保靖宣慰司
經歷時值土官以越牆私鬪寧調停省諭遂釋兵
任十二年彝民向化致
歸不事干謁鄉評重之

趙漢 字鴻達陽宗人兩任交廣歸里二
十餘年足迹不入城市以壽終

本朝

趙文科 字忍庵敦厚和易樂善好施教子讀書規以聖賢
正道子士麟歷官少宰贈光祿大夫孫宸黼官翰
林人咸稱曰隱德之報康熙二
十八年闔郡公舉崇祀鄉賢

趙士麟

字麟伯號玉峰幼讀書五行竝下一過目終身不

平遠扶良辯枉明燭覆盆缺裁改容城令耕正學書院

著敬一錄日集邑士講學邑屬圈地旗民襍處公聽斷

以理豪強斂手會舉卓異入為文選陞稽勳考功晉光

祿鴻臚通政皆恪恭厥職建豎不羣陟都憲振肅柏臺

發舒忠讜如臺灣設府宗廟嚴祀等疏其最著者擢撫

兩浙端己帥屬養民造士濬河道而二百載之淤塞頓

開償旗債而千萬姓之室家完聚議復裁兵安若磐石

捐募殿木力救窮民至設法禦火尤杭城急務杭民德

之建祠尸祝後杭城火延燒至公祠返風而滅調撫江

蘇尤加意撫綏內陞兵部督捕右侍郎調吏部右侍郎

尋轉左持國體秉公道人不敢以非分干之政暇常手

一編至老不倦翰墨詩文立就數千言奉繼母萬至孝

母年九十八邀

御書百歲額賜冢君宸黼捷會魁列庶常先捐館公年七十

有一卒於官著有綵衣集四十

六卷讀書堂法帖四冊行世

李

冕

字君華幼讀書通大義孝友嫻睦樂於施與隣里

子全其骨肉讓產弟兄以敦友愛積德累行昭昭在人

耳目閒訓子發甲登賢書仕至湖南巡撫疊邀封典孫

居坤居豫居臨居頤居咸居恆居巽居泰曾孫璋瑋瑛

琬琰瑄等人文輩出濟濟振振子貴顯而孫馨榮天之

報施善人信然哉康熙五

十一年闔郡公舉奉文崇祀

李發甲

字瀛仙號雲溪幼讀書鳳翔寺究心性理史子諸

授大理教授殫心訓課復射圃建學宮移元江刻性理

西銘開導尤多卓異遷靈壽令多異政蝗不入境虎不

入邑盜不入疆安溪李相國力薦擢監察御史上封事

數十直聲震天下繼以齊飢疏救部議革職

皇上憐其忠畱之出為口北道轉天津遷東臬擢閩藩俱以

實心行實政風裁凜然在任九月即補授湖南巡撫丁

內艱還滇營葬服未闋復補授湖南抵任值連年荒歉

公徧諭各州縣發倉穀賑濟未幾大雨江水泛漲常德

鄉賢

長沙岳州沿江州縣田廬衝塌公借藩庫金委員散賑復值大旱親為文禱雨甘霖立沛更捐金購米給湖南北之流離者觀風課士拔其尤讀書岳麓書院湖南之士赴試武昌以洞庭洶湧多裹足不前公三疏具題請建南圍為部議所阻湖南士感激泣涕病卒於官天子震悼謂發甲清廉持身實心盡職應得卹典特賜祭葬士民建祠祀之旋祀名宦櫬還鄉祀鄉賢

黃

崇

字九錫貢士任石屏訓導三歲失父攻苦成名性爽忼樂善好施剗造橋梁傾貲不惜司訓振孤寒

勤訓課石屏士佩服不忘居鄉恂謹教子敷極中戊子五經鄉薦年八十卒闔郡公舉奉文崇祀

段

紳

字瓊液貢士以子如蕙貴封中憲大夫性簡靜讀書沉潛博極羣籍家本世族而謙恭恂謹言不妄

發動必以禮教子義方家範肅然子孫貴盛益嚴加訓迪篤學攻文更不逐華靡杜迹公門置義田厚宗族樂施與周貧乏激人士稱為古道君子舉鄉飲大賓年八十有五卒闔郡公舉奉文崇祀

新興州

明

陳表

號草池嘉靖癸未進士博學弘文任浙江道御史剛介不撓巡按廬鳳等處清漕運濬河渠致仕歸

鑿靈照山麓十餘丈引撒喇溝水由涵洞灌溉田千餘畝初州未設學公寄籍晉寧登第後倡州人呈請建學

今明倫堂
石碑現存

劉蘇民

號古臺歲貢任四川青城縣教諭課士嚴肅嘉靖中用薦晉楚雄府教授文章德行為名雋傾服

王言

號慎齋歲貢任四川汶川縣教諭陟晉寧州學正實心訓課屏絕餽遺諸生誠服嘉靖末祀晉寧州

名宦

呂淮

號石泉貢生任末昌府教授潛心理學多士景從工詩精書法及歸怡情山水題詠甚富舉嘉靖末

鄉飲賓年九十而卒

王命說 號相巖選貢任山東萊蕪令志切痼瘼興革利弊建定軍山漕運倉便民輸將清操實學多士景行

萬曆末去任臥轍攀畱祀萊蕪名宦

鄭起 號肖野選貢任四川儀隴知縣緝盜安民威惠兼著工詩文善楷書躋蜀府審理正萬曆初卒

保文鸞 雲南前衛人天啓閒霑益蠻婦設科反文鸞以勇力應募從征建奇功授貴州都指揮使進武尋參

將討亂蠻旋軍中伏弩死之霑平廟祀

雷躍龍 字伯麟號石庵年十八捷進士選庶常丰姿雋逸器識深沉詩文才望時推第一魏璫熾盛躍龍避

不與交璫敗籍家朝士多有名刺獨無躍龍隻字懷宗重之不數年晉禮部尙書

本朝

管一奏 家世醇謹律已謙和義不苟取物無與競渾渾噩噩鄉黨稱為老佛

張義 字我由舉人州故事舉於鄉者官為徵里下銀五十兩以資公車義曰方進步即累鄉黨心何安請

止之遂絕其弊任廣西岑溪令蔬食布衣不改儒素卒於官祀名宦

管灝 字若梁進士選庶常以檢討改諫垣給事吏科性好學博聞強記充養纘密動必循規矩居鄉恂恂

作士模範捐百金倡遷學宮贊成州志

路南州

明

楊以成 字太和以選貢為貴陽府通判分署畢節衛著有勞績陞同知仍官其地天啓二年水隴交關成潛

具蠟書告變滇撫發兵西援至畢節賊兵圍衛城以成督滇兵與戰卻之已而賊兵大集滇兵遠來勞逸多寡

勢不相敵成知事不濟令吏懷印乘夜取徑走貴州自以死守當賊鋒未幾城陷成投繯未死賊擁逼入營成無變志賊遂殺其家口十三人獨其弟以榮不死成又將賊中情形函竹付榮復入滇告變行至散納溪為賊所獲得其書遂併以成被害於火掌則溪碎體抽腸官僕同死者共一十五人黔中丞傅宗龍以聞贈光祿寺正卿廕一子世襲錦衣衛千戶賜建忠節坊立祠春秋祀之入黔名宦贈以榮正千戶配祭

趙賢

萬曆戊午年貢浙江宣平縣教諭祀名宦

江川縣

明

侯必登

字頤真號星湖幼穎敏過人長而力學登嘉靖乙未進士歷官廣東潮州知府到任罷一切苛政與民休息時倭寇擾亂掠人取贖無寧歲井閭為墟必登沉幾有智略善偵賊情卒招撫討平之必登在潮苞苴

不行或有暮夜賄之者必登不為動或以勢利曰我頭可斷此事不可從也潮有烏鴉灘千鴉叢集飛鳴人閒人多疫歲祭之始不為患必登選健卒百餘人各持利斧入林盡伐其樹鴉無所棲又於其處築高臺鑄一鳳於其上鴉患遂息潮人惠之塑必登像配入昌黎廟謂其除烏鴉與昌黎除鱷魚先後同功也陞江南布政使左叅政亦多善績歸而明農子姪諸孫賢書者踵相接焉歿後崇祀鄉賢

楊整綱

博通經史名籍籍傾一時登萬曆己亥賢書時方燕爾不欲赴公車其父微知之乃驚其產多與之

資斧命偕婦以往比抵京師已過期不得試遇殊恩欽賜進士歷官都勻府知府政簡而平民畏愛之居鄉時得遺金訪其人還之有侍婢及笄為之擇配不受聘且厚遣之其為人古道大率類此惜邑乘殘缺不覓全傳云

侯弘文

字爾士好讀書尚氣節萬曆己卯舉於鄉歷官高平知縣南陽府推官皆報最時流寇亂海內騷動

弘文有智勇當軸薦之授七省監軍道弘文慷慨賦詩
其一日報國丹心一請纓關山夜月斗刁鳴柳營駐有
幽燕將小醜無知妄弄兵其二曰帳下貔貅起怒濤先
聲到處鬼神號拂雲會見旌旗捲指日應看酒旆高奉
命討賊方調兵賊聞其名遠讐服人謂其
不戰而屈人之兵也會卒贈太僕寺卿

忠烈

河陽縣

蜀漢

李

恢

詳鄉賢

李

球

恢之姪仕後主為羽林右都督隨諸葛瞻率師拒鄧艾於綿竹兵敗死之詳三國志

路南州

明

楊以成

詳鄉賢

孝義

河陽縣

元

段文瑞

詳鄉賢

明

李九得

家貧為人傭作而養父母親死無以為葬益暉勉積其值以葬焉

楊純

年七歲失恃父繼娶張氏比壯失怙純事張克孝撫異母三弟綱福祿不殊同母時疫行張疾幾於

純請醫調治不愈割股煎湯藥必親嘗進之即愈郡守欲舉純避之不出

張俊 醇篤好善行聞於鄉母李氏攫奇疾俊割股作羹母疾隨愈後父錦又患發背俊以口吮之即愈其

孝感如此

孫佶 隆慶庚午鄉薦幼失怙事母至孝色養不衰母疾

香祝天忽降甘露中有藥氣佶捧以進母疾尋愈有司欲旌表佶力辭之

張官妻羅氏 適夫往京會試翁姑罹疾羅嘗藥調治寢

翁姑之疾立瘳天啓二年內督學巡按俱給扁旌之

黃閣 嘉靖閒以扶危濟困為事夏則施茶水於道途冬

塚於演武場前建義房於景寧街內歲飢設粥見義勇為知府徐可久嘉其義詳請咨題旌以義官冠帶榮身

後遷城舞鳳山麓為卜宅於府治之前復給以扁額曰樂善不倦

施佑 萬曆二十三年道閒獲遺金十七兩即追其人而

亦弗願而去里人服其義焉

本朝

尹氏 康熙二十六年內割股愈

楊瓊芝 康熙二十八年內嫡母師氏疾將危芝年十二割

楊浩 幼失怙恃事伯父伯母甚謹伯父早世迎伯母張

氏於家張老無子得癰疾臥牀六載浩奉養不怠汚穢親滌後大兵臨徵舉家逃避浩獨守視不忍去及

張卒哀毀服喪如人子禮閭里聞其事於官康熙二十

二年郡守張聯箕通判高毓麒知縣羅瑞楠給扁獎勵旌其門曰孝義

孝義

卓汝乾

事父母竭力承歡人稱其孝康熙二十七年內祖母石氏病篤乾割股進病隨愈士民公舉府屬縣

給扁旌之

張愈棧

貢生台鉉之子庠生潛父年始三十妻故遺子三齡嗟四壁之蕭條歷千辛而撫育以藝自給誓不

再娶如奔女之不納富婚之力辭皆明驗也壽七十而卒梓里重其行稱曰義夫

李纘甲

字繼登性真誠無欺詐樂善好施治藥餌以救人設水盆以濟渴建橋脩路戒殺放生吮癰療毒掩

骨瘞齒排難解紛勸人無訟里黨咸以義士稱之知府張聖猷旌其額曰樂善不倦少宰趙公贈有恆道人序

載藝文

新興州

明

王珪

字朝玉天性淳厚奉親盡孝正統十年父思貞及

年靈芝產於墓上人以為孝感所致知州郭鉦以聞未報後鉦陞雲南知府為作王孝子廬墓序布政使嚴貞

贊之

萬琰

性至孝父卒廬墓三年哀毀踰禮著思親百詠以記志

李文林

伯父遇春乏嗣文林侍養備至病危割股以進伯病獲痊人咸稱其孝義

陳素脩

父日就疽發於背醫藥罔效素脩割股以進疾遂愈

聶潛脩

諸生念軍田賦重捐金五十置民田以佐宗人不逮嘉靖末屯道旌其義

劉獻可

字于廷州學生事親孝睦宗黨能周人急偷兒夜入室獻可覺之予錢米戒改行後獻可渡河幾溺

得偷兒拯獲全萬曆中舉行優巡按旌其義

本朝

周逢春

字經宇事母至孝有老萊子之風母老目盲逢春扶持無怠每食必跪進家貧負販為養有司表其

門順治二年沙定洲叛為酋黨所擄將殺之刀戀室不出酋驚異得釋人以為孝母之徵

嚴為策

字爾心順治丙戌沙定洲亂滇以兵圍州城適父養淳疾篤刺血禱天死守不去父卒營葬以禮定

洲兵解流寇至邨民避難入城約好義士資以飲食居處州人稱之

路南州

本朝

張一夔

生員告天割股愈母通學公呈詳允置扁旌揚

楊玘

武生沐浴告天割股母疾以愈詳允置扁旌揚

王如

綸州民兄弟同心割股愈父結通學公呈詳允置扁旌揚

李良佐

州民事母盡孝先意承志學者歎服母病割股愈之

楊秀妻董氏

三次割股愈姑愈夫前任知州陳可給扁旌揚

陶正發

州民負米百里供祖侍膳問寢無虧通學公呈詳允置扁旌揚

江川縣

明

梁景春

浪廣鄉人母劉疾篤景春割股愈之景春子仲成仲成子得松得杞皆以割股聞相繼三世云

黃鳳岐

割股廬墓撫按俱給扁嘉獎

黃聘賢

事雙親以至孝聞比鄰皆廬墓三年建坊旌表

教正府志

卷之十四

孝義

二

侯氏 江川學生員鄧效禹之母事姑至孝 姑病割股和藥以進病愈奉文旌表

本朝

胡景武 鄉人不識詩書家素貧充里催一日自詣縣悉完 所應催賦稅時方七月著縣徐瀛翥怪其速泣對

曰小人有母年七十一矣今病且不起亟欲待湯藥不 得離左右又恐誤公負譴故稱貸以完瀛翥異之及母

死未殮值盛暑流血於地景武撫膺大慟匍匐吮之或 以致疾勸景武曰是我母血也吾不忍棄諸地又無計

以返諸母身不吮將若何且吾之幼也飲吾母血以生 縱以母血致疾死夫何憾遂畢吮之既殮而葬廬墓二

十有一日號泣不絕哀慟旁人比還閉戶不出瀛聞愈 異之召給米一石俾祭其母墓景武泣謝曰小人與母

求訣矣徒以家貧不克盡禮罪莫道 敢受賞乎瀛翥大異之特為立傳

羅氏 江川縣學生員李本宏妻素有孝思姑病割股救 之病愈明年夫病又割股救之病亦愈士民公舉

知縣李密給扁獎之康熙五十五年知縣張鍾采 事鳴於上憲督學蔣洞給儷升純孝四字旌其門

貞節

河陽縣

明

楊末延妻董氏 弘治十一年楊卒董年二十九誓不再適 撫子女成立嘉靖二十五年巡按宋大本

疏聞 旌表

李全妻張氏 年二十夫卒遺腹生子亦卒五十 餘年節不能奪弘治間撫按旌表

江淮妻方氏 年二十二夫卒方守節不移撫育 二孤嘉靖二十六年事聞旌表

王安壽妻李氏 正統初安壽應貢卒業成均任養利州同 知前後十餘年氏家居孝事翁姑後安壽

卒於官氏不以無子有異志葬祭翁姑
一如禮二十而娶八十四歲而歿

杜 誼妻楊氏 楊名聲女二十娶居撫一月之孤杜祥雲
為庠生守節六十餘年壽八十七而卒正

德間撫
按旌獎

李 宣妻陶氏 宣卒陶年二十八守節撫孤
年踰八十嘉靖閒撫按旌表

陳必安妻王氏 王紳之女安卒氏方年十八歲生子天輔
守節教子成名以壽終嘉靖閒巡道旌表

李愈祥妻黃氏 弘治十四年夫卒黃年
甫二十撫二子以節終

潘雲龍妻張氏 嘉靖癸巳雲龍以貢赴京卒于道張甫
二十六誓不再嫁撫二子以至成立

李春暉妻吳氏 年二十二歲春暉卒氏守節孝事孀姑萬
曆癸卯巡按宋興祖具題旌曰節孝淑媛

從一
芳聲

徐 麟妻王氏 王陸女年二十九歲徐歿撫子登甲
入庠誓不再嫁陸慶閒道院旌之

張以時女張氏 許聘李君霑未嫁而君霑死有姚琰者復
聘之張潛往夫墳自縊獲救誓不嫁弘治

閒學使
旌獎

秦世賢女秦氏 八歲許聘楊涇未嫁而涇卒父亦隨亾女
誓死事母終身不字有求婚者甚力女引

繩欲自縊嗣後無敢言
者嘉靖閒道院旌獎

袁志聰女 十歲時許聘王守業未嫁守業削髮遠遊不知
存亾有求婚者諸姦強之女往河畔投溺母奔

救回竟閉門不見其姦茹蔬紡
績節操彌堅萬曆閒奉旨旌表

施 秀女施氏 少許李向陽向陽從姊氏宦遊客死於外
父母強再適誓死不從竟以女終事聞旌

表

速大用妻陳氏

陳有德女年二十四歲速歿守節撫孤四十餘年隆慶間巡道旌獎

孫自新妻黃氏

年少孫歿教子佶登隆慶庚午年鄉薦在義傳

本朝

吳嗣徽妻陳氏

年二十夫卒遺孤純佑方二歲紡績誓死不渝守節二十四年具

題建坊旌表

廖國詔妻王氏

年二十四居孀子甫五齡氏秉節堅貞年八十五卒有趙少宰節序載藝文

刁宸才妻韓氏

年二十八居孀事姑盡孝撫兩孤備歷艱辛子孫相繼成立年七十有五以壽終有

司旌以扁額少宰趙公贈貞節詩序載藝文

業恆妻王氏

年二十八夫卒子方一齡氏撫之成立備極艱辛歷二十五年冰操凜凜人皆稱頌

康熙七年紳士以節聞知府馮甦轉詳院司道準行表揚給扁曰節凜冰霜年七十以疾終

劉廷佐妻曹氏

夫卒年二十九冰操凜凜奉公姑而慎終則婦可代子訓兩嗣而成器則母可兼師

節婦賢母之稱不絕人口

劉開熙妻師氏

年二十四歲己亥寇亂同夫攜幼子潛避半途驚散其夫他竄氏為賊所執威脅以

從氏堅不受辱出詈言以犯之寇怒甚母子俱罹鋒刃有避難者目擊其慘每歎氏之節烈茲載志乘以俟采風

馬基聖妻馬氏

生三子夫故氏年方二十五歲教育三子叨歲薦食廩餼柏舟自矢誓志靡他守節

四十載以疾終

陳紹舜妻劉氏

年二十七夫逝遺孤四俱年幼時流寇駐激房屋盡為兵據氏慮兵丁裸處率諸孤

居邨閒借針指紡績以餬口千辛萬苦教子訓孫俱列賢序里人有文中丈夫之譽年八十而卒

黃文龍妻趙氏

年三十而寡遺孤三齡流寇蜂熾宅為寇據氏毀形垢面以死自誓寇莫敢犯苦節

堅貞撫子登武薦列膠庠年八十三而卒

楊振烈妻師氏

年二十適楊踰五載無子楊病篤族人乘隙欲侵產業氏沐浴默禱願以身代俾孀

姑有靠後嗣可續楊病愈氏為娶妾連生二子楊故氏苦節冰堅撫育成立氏疾次子瓊芝割股愈師事聞府

縣給扁獎之年七十一而卒

黃士俊妻朱氏

年十八適縣庠增生俊二十五歲夫故遺孤方六齡氏紡績撫子列膠庠守節五十

二載子故姑媳孀居鞠幼孫年七十七歲

施允升妻尹氏

年二十夫故遺孤二長二歲次遺腹中氏悲號泣血欲相從地下以有翁始幼子矢

志守節值姑病篤割股以進姑病即愈郡人李發甲嘉其賢旌以額曰節孝真誠年六十一卒

張雲濤妻傅氏

年三十夫故矢志守節四壁蕭然遺孤三子俱幼傅備歷艱辛教子攻書力學長紳

食餼膠庠次皆列弟子員守節二十五載冰清玉潔終始不渝都人士嘉其志各製詩賦成帙以俟采風考

之闡揚云有節壽詩序載藝文

郭天樹妻顧氏

夫年二十遊縣庠生子一僅二齡家貧無資攜顧母子出境教讀夫病歿痛哭哀毀

那貸發送氏年方二十六鐵石丹心茶茹自苦教子列賢序二十五載矢志堅貞至今勤儉不輟

張昌音妻李氏

年二十五從夫孝廉任陸涼學正夫卒於官遺子尚幼氏扶櫬歸葬備歷艱苦撫子

成名筮仕邑令冰霜苦志鄉里嘉之少宰趙公有張節母傳當代鉅卿各製詩歌裝帙以慶颺之

李鵬妻趙氏

名正儀年二十九夫卒遺孤一甫八齡艱苦自持撫子幼入成均松節筠操老而彌

篤趙少宰
有傳憐之

楊時蔚妻李氏

年二十一夫故遺孤二長甫四齡次方六
月氏茹茶飲冰矢志不二人欲奪其志氏

皆言斥之今二子漸次成
皆氏節操堅持之所致也

陳琰妻左氏

年二十八夫卒冰操不移以女紅自給孀
姑病歿葬送盡禮撫三齡幼子成立守節

四十載今年七十有二日明耳聰
猶善針黹誠閨閣中之懿範也

曹登相妻魯氏

夫歿年二十八笑居撫子永矢不二子元
承順寡母鄉黨以事聞當道旌以額曰筠

節孺
孝

趙廷輔妻于氏

年十九夫凶天志靡他心堅鐵石事翁姑
盡孝撫二子成名鄉里咸嘉尚之公呈蔣

學憲給扁旌其
門曰冰心藁操

楊樞妻段氏

段繡女年十九夫凶家貧子幼氏供織紉
以養姑姑逝喪葬盡禮教子士琰成名子

歿媳楊氏同段苦守一門兩節歷盡艱辛段氏苦志四
十餘年茹茶飲冰家益窘楊氏又供針紉以養姑姑鄉里

咸以為節孝所感公呈蔣學憲給扁旌
其門曰兩世松筠府縣亦給扁旌獎

羅星妻張氏

孝廉昌音姊也年十六成婦閱二載夫染
異證臥榻九年餘勤慎扶持略無怠志夫

卒年二十六撫二女無媿母儀孝孀姑代終年七十八
而卒五十餘年之勁節貞操直貫金石登諸志版光被

泉
臺

陳瓚妻張氏

夫卒年二十八有子一苦節撫育早入泮
旋卒氏欲自殞或慰以孀姑惟倚豕婦氏

益勵冰操孝姑和妯繡佛長齋年
六十一而終人稱為女丈夫云

王可鼎妻張氏

年二十一夫卒遺孤四歲氏哀毀欲絕又
幸宗祧有繼即誓志柏舟勤勞以孝翁姑

嚴慈以撫幼子貞操苦志誠等松筠子
食廩餼擅邑中文名以為母教所成云

廖國祚妻劉氏

年十八適庠生廖孝敬翁姑克相夫子前
故遺孤二熒熒無告家窘甚苦志撫育二

子不墜家聲
年八十一卒

許國華妻施氏

年三十歲天卒子德潤方二齡時富離亂
家極貧又多外侮氏飲冰茹荼百計支撐

撫子成立娶兒女施氏生孫二子復早逝氏與媳冰霜
共守治家嚴肅族黨無閒言孫炳妻楊氏生曾孫二又

早亾孫媳楊氏亦同勵柏舟貞操如一
三代節孝世所希聞享年九十一歲

李師孔妻孫氏

年二十八歲夫卒子甫六歲撫孤守節茹
荼飲冰家貧備歷艱苦晝夜紡績和熊畫

荻教子李敬勵志讀書名列膠庠
清操勁節久而彌堅郡人稱之

巨光斗妻楊氏

年二十九以將貢而逝二子尚幼家貧如
洗氏矢志不二教子名列黌序四十餘載

如一日焉

饒於德妻王氏

年三十以夫甲子鄉薦值揀選截取一旦
遽卒氏以三子俱幼自甘冰蘖教子讀書

成立里人咸稱
道其賢不衰

張朝柱妻李氏

年十五適柱柱病危醫不效氏割股進未
彌月夫故年二十二遺二子尚在襁褓氏

矢志不渝教
子入太學

徐大章妻羅氏

年三十夫故翁姑繼亾氏喪送如
禮撫二子名列膠庠里人咸稱之

王宣對妻馬氏

年十八夫卒撫孤守節事姑甚孝姑歿喪
葬如禮教子成名年六十勤儉持家貞操

益勵
云

施一德妻苗氏

夫卒年二十八遺孤二歲矢志不渝勤勞
茹荼教子游泮今年六十有八猶操紡績

苦節 彌堅

董華妻李氏 年二十夫病氏曾割股夫卒事七旬姑稱極孝撫六歲子列宮牆里黨重之

新興州

明

三姑 姓氏失傳兩姪一姑為潰亂元兵所擄行至團山患受污不肯前被殺碧血流處湧出清泉州人發祀不絕蓋節烈所感云

謝君用妻王氏 江南淮陰人洪武庚午從夫戍滇攜其子仁及姪禮義過采石磯遇盜度不能兩全

以兩兄凶恐絕嗣乃棄其子攜二姪至滇生一子廉君用卒王守貞四十餘年撫子與姪俱成立知州陳恕嘉其節義白之當事旌以綺帛至今後裔繁衍

王璽妻魏氏 弘治十年夫凶魏年二十六家貧紡績撫育二子各授以藝孀居四十載鄉人高其節

張氏 年二十三夫死守志養姑節孝雙全嘉靖間建坊旌表夫姓名失傳

鄭氏 夫姓名失傳年二十守節至八十餘終有司旌其門

盧鈺妻劉氏 年十八夫故遺腹生子惠武劉苦志守節晝夜紡績自贍天啓元年七十八歿

張烈女 年十四字王良富未歸夫卒張聞訃哀號求弔不得遂自經聞於官令合葬時天啓六年正月二十一日也墓產連理枝樵者斫之復如故

朱大昌母鄭氏 年二十夫凶撫子大昌成人崇禎末壽八十餘卒州牧旌其門夫名失傳

本朝

貞節

欽

盧惠武妻雷氏

年二十三順治五年流賊擾新興入惠武家雷患汚辱投井死

盧貞女

盧鑑女年十二未配順治五年流賊入家赴井死盧亦從之後出屍貌如生

朱文龍妻周氏

年二十六文龍卒撫六歲孤辰成人辰年二十四又卒遺三歲子國禎周復撫之年

六十
三卒

劉以清妻陳氏

年二十適思南府教授覺子庠生以清以清死思南覺任滿攜櫬歸陳方知之斷髮

守志撫子士麟成立年六十二卒

嚴養廉妻董氏

年二十五夫八守節遺孤二歲撫育成人年七十九歲而終

雷 翥妻李氏

河西進士李思恂女翥客死崑山縣李年二十二矢忘守節靜默寡言秉禮嚴肅行

不渝闕年八十卒

陸萬有妻倪氏

年十九夫卒子生纔五月堂有老親倪堅貞自持撫其子養舅姑以孝聞

周士彥妻白氏

夫卒白年二十七家貧無子人曰無子何依白泣曰夫婦之義豈以子之有無異哉

獨居苦節族人憐之為立嗣

唐登俊妻李氏

夫卒李年二十六一子六歲復殤有遺腹子李喜曰吾可以報夫以苦節育之

張斗煒妻錢氏

夫卒遺二子錢年二十七歲舅姑皆老家貧甚錢績紉奉親育子

魏闕英妻郝氏

年二十七撫孤守節歷五十餘年操守愈堅郡人稱之

包允昌妻柴氏

年二十八守節事舅姑以孝聞

李先春妻楊氏

年三十守節歷四十年確守婦義清操凜然

張甲南妻楊氏

二十九歲夫八子甫半歲楊撫之成立歷四十年如一日

陳于京妻雷氏

年二十六守節無子應宏慈愛備至迄有成立

潘廷光妻李氏

年二十六夫歿有三歲子李勵志守節育其孤內訓甚嚴

李現龍妻李氏

二十九歲守節人或強求之李曰吾不能割耳破面耶人不敢再言

雷聰妻朱氏

年二十七歲守節育三子皆以孝謹聞朱之訓也

嚴榕妻陳氏

年二十六夫故遺二歲子陳苦節育子家貧斂十指佐其用

雷武增妻張氏

年二十夫死遺子瑋二歲撫之成立子嬰疾張憂悴卒其子日夜慟哭郡人哀之

餘亦卒

劉蓀華妻姜氏

年二十夫故有二歲子文忠上有孀姑姜紆績供甘旨

殷調陽妻白氏

年二十八夫以貧勸之改適白曰貧恆事節不可失遂守貞歷四十餘年

溫而栗妻王氏

年三十守節育二子經理家計條理井然二子俱克成立

李新唐妻張氏

年二十九歲守節子甫四歲張撫之成立

方奇才妻蘇氏

二十九歲守節撫週歲子可思成立

李維寧妻賀氏

年二十八歲守節隣嫗閱其苦勸之改適氏靡色拒之訓子有成

潘龍妻朱氏

二十九年守節力貧養親操履冰清

詹運泰妻李氏

二十七歲夫以矢死靡他守節不渝

謝天浚妻劉氏

年二十五夫故無子截髮自誓人曰無子何守劉曰故人義重豈以有子無子問耶

雙棲三十餘年紡績自養

陳藿妻盧氏

年二十七藿卒遺腹生子末祐上有孀姑盧養姑撫子人不堪其勤苦盧怡然曰吾

終婦人之義代養親
撫子足矣終無閒言

常文樸妻聶氏 年二十七守節夫故無子育
其姪為嗣撫子不異所生

李世發妻徐氏 二十九歲夫故遺一子
矢節育之不渝其操

路南州

明

徐一鳴妻魏氏 年二十二夫死守節撫孤年七十三而終
教子高選成名奉文旌獎立坊扁曰清淑

正氣

本朝

徐禧麒妻趙氏 年二十二夫死立志守節割股愈姑教子
致遠游泮孫之愷領鄉薦有孫十餘人曾

孫九人皆苦節所致康熙二十四年奉
旨建坊旌表之

楊琛妻李氏 年二十六夫死守節受誥封
教子若孫成名年七十終

施祚遠妻孫氏 年二十四夫死立志守節事姑盡孝撫子
三歲歿以伯兄子純禮為嗣養育成名年

七十終

李敦倫妻蘇氏 年二十六夫死無子守節前任知
州張萬言給扁旌揚年六十餘

金鑑妻韓氏 年二十八夫死守節
教子成立年六十三

楊道南妻李氏 年二十二夫死無
子守節年八十終

徐石麒妾楊氏 年十六歸徐生一子年二十六夫死妻嫁
楊氏撫孤守節子復死又撫孫成人年八

十終

江川縣

明

王士奇妻陳氏

未嫁奇卒守貞不二成化二十年奉旨建坊旌表

韓宗長妻張氏

二十二年嘉靖二十年府縣請旌

陳俊妻顧氏

守節七十九年

朱震春妻張氏

守節七十年

賀聖妻程氏

守節七十年

朱真妻張氏

守節八十五年

陳幼學妻梁氏

守節八十五年

故警曰吾父南寧別駕公會以列女傳教我今我未字而夫匹良不幸然匹者夫也吾不忍再適他人以玷先世遂終身守節焉萬曆年間

與其姪俱奉旨建坊旌表

羅存德聘妻張氏

未嫁存德病故自誓守節享年九十有三奉旨旌表

女陳氏

夫死未字守節奉旨建坊

本朝

劉振興母顧氏

年二十有六夫死守節四十餘年知縣祝兆鵬許天聲俱給扁以獎

官上人母

二十三歲夫死守節

吳翊周妻楊氏

年十九天故家貧無子氏茹苦嚙辛誓不再醮康熙五十五年郡縣咸給扁旌之

鄉飲

河陽縣 明無考

本朝

李堯蚤 貢生任曲 靖府教授

趙夔龍 武生

段紳 諱封詳 鄉賢

許作霖 字天如 庠生 貢 陞父年九十五

李萬年 翰林應 貢 父年八十二歲

張一鵬 貢士任寧 州訓導

新興州

鄭之良 字四可 貢生

李聚璧 字懷玉

龔銘 字天新 庠生

謝錫睿 貢生

孫宜振 貢生

許珮

明

雷霄 壽官 龍曾祖

王命說 選貢 知縣

雷鳴夏 選貢 蜀府 奉祀正

梁國用 倡脩學宮 萬曆 中巡按旌門

劉覺 貢思南 府教授

雷一聲 選貢 新鄭 縣訓導

劉鬻 貢阿迷 州學正

李培元 貢劍川 州學正

呂淮 貢永昌府 授年九十

鄭起 選貢 知縣

鄭清胤 選貢 知州

劉學 貢都勻 府教授

周岐官 貢蒼梧 縣教諭

雷同聲 選貢 平涼 府通判

李來鳳 貢通海 縣教諭

周思稷 貢鎮南 州學正

盧自盛 貢

李占芳 冠帶約正 八十奉例

吳顯忠 貢青田 縣丞

向鎮 文衡 父

梁嘉美 國用子萬曆末按院旌之冠帶鄉飲

陳我蘊 貢崇禎中

本朝

馬對陽

馮甲 庠生

翟奇 庠生

阮宏聲 庠生 珩父 貢

陳文傑 貢嗣 虞父

李成蹊 監生 馨 礎父 貢

陳達 庠生

吳鍾

姚瓊 貢

胡來亨

何偃

李發早

雷五龍

周士茂 尋甸 訓導

郭上詒 進士 偉父

劉濟寬

路南州

本朝

徐致遠 知縣之 愷父

李見龍

李維章

張元樞

楊耀南

楊一甲

韓丹陽

徐開成


徐允恭

李仲甲

徐致廣

楊文傑

江川縣



文行

魯際飛

河陽人字朝宇勵行砥脩博通經史每涉筆為文敲金戛玉教授生徒諄諄不倦激名士半出其門

例當歲薦力辭不應講學於東山之麓著述甚多

金先振

字正希河陽人少讀書攻苦微損目力然學問淵深訓課生徒多所成就晚年究心邵子先天之學

頓悟厥旨日光炯炯射人顛頂中虛如赤孩然凡事前知將卒先期遍告親友怡然而逝

周作誥

字心印河陽人少穎異讀書淹博百家補弟子員遭時不偶社門著述足不履市非聖賢之言不道

非德義之事不行究心關閩濂洛之奧遠近負笈者甚衆提命諄諄終日不離几席造就英才數百人所著有

經書講義授之門人

劉永政

新興人讀書尚志精於律算官司異名弗就築小室隱處足迹不入城市郡人高之

馬明陽

號異野新興人博獵羣書尤精易理性行純直為時所重建北山書院授徒英才莫不及門學者稱

為北山先生

李廷禎

號豫章新興人天資穎悟讀書過目成誦振古學究性理一時賢士皆從之遊言行有則以樂天知

命自箴年八十二卒

王佑命

字命爾新興人勤學好古博通經史尚氣節居止端方獎勵後進風裁凜然學者傾服有司嘉其賢

名之不輕入鄉里益重之晚歲自號種松老人治菜根齋以自娛著有菜根齋集行於世年八十餘歲卒

